

PROGRAMA No. 0429

1 REYES

Cap. 14:10 - 15:24

Ñakontinua ko árape ñande estudio Primer Libro Reyes capítulo 14 pegua, ñañepyrüva'ekue pe programa ohasava'ekuépe. Jahechákuri upérö Jeroboam ra'y omanohague. Ja'ékuri avei pe profecía Jeroboam rehe oje'eva'ekue oikotaha. Ko'a guive tenondeve gotyo, David rehe oñekomparáta rey kuéra reino del norte ha reino del sur pegua. Jahechákuri mba'éichapa Abdías, Jeroboam ra'y hasýkuri ha Jeroboam omondókuri hambirekópe Silópe omo'ävo mávapa ha'e, ohecha haguä profeta Ahíaspe, he'i haguäicha chupe mba'épa ojuhúta pe mitä rehe. Ha Jeroboam rembireko oja'pókuri upéicha. Ja'ékuri Ahías, ndohecha poräveimaha itujágui, Ñandejára katu he'íkuri Ahíaspe, Jeroboam rembireko ohotaha hendápe ohechauka'yre mávapa ha'e. He'i avei chupe mba'épa ombohovaiva'erä Jeroboam hambirekópe. Upe kuñakarai oguahë vove, Ahías he'i chupe: *“eike Jeroboam rembireko, mba'ére piko reñemonde rejekuaa'y haguäicha? Oje'e chéve ha'e haguä ndéve ñe'ë pohýi.”* Ha Ahías omombe'u chupe Ñandejára he'iva'ekue chupe ha mba'éichapa ombojoja raka'e Jeroboampe David ndive ha ndojuhúi ojoguaha chupe. Uvei, Ñandejára ohecha mba'éichapa Jeroboam oñemomombyry chugui, ha oja'pouka tupä gua'u ra'anga ombopochy haguä Ñandejárape. Upévare, Ñandejára omboykétakuri chupe, téra Jeroboam omanóta. Ñakontinua ko árape ñande estudio ñamoñe'ëvo versículo 10 guive, 16 peve, upépe profeta Ahías oñe'ëve gueteri ha omombe'u Jeroboam hambirekópe, Ñandejára momarandu, ha he'i kóicha umi versículo 10 al 16pe:

1 Reyes 14:10-16 “...Jeroboam angaipáre, ha'e oja'po ha oja'poukava'ekue Israel guápe.”

Upéva he'ise, pe mitä Abdías, Jeroboam ra'y, hasy ha upéi omano, ha'ékuri Ñandejára jehavira. Ha ñamoñe'ë ko'ágä versículo 17 guive, 20 peve:

1 Reyes 14:17-20 “...ha'e omano rire oisämbyhy hendaguépe ita'yra Nadab.”

Jeroboam omboykékuri Ñandejárape umi ary ha'e oisämbyhy aja ha upévare Ñandejára opoko upe ha'e ohayhuvéva, ita'ýra Abdías rehe. Upe mitä ñemano añetehápe tuicha oñembyasýkuri, ñapensávo upe mitä ojupimo'ähague itúva rangue rey ramo; ha katu, upéva ha'ékuri Ñandejára juicio directo. Máva ikatu oimo'ä ko'ä mba'e aja oho porämbaha reino del sur gotyo, Roboam Salomón ra'y ñeisämbyhy aja, ha katu, ndaupéichai, ndoho poräiete voi. Ñamoñe'ë Primer Libro Reyes capítulo 14, versículo 21 guive, 28 peve:

1 Reyes 14:21-28 "...umi mo'äha bronze guigua, ou jeývo, omoï jey hendaguépe."

Mburuvicha tuja Roboam oñepyrü ho'a. Ha katu, ha'e omo'ä heta mba'e. Umi escudo óro guigua ogueraha rire rey Egipto pegua, ha'e omoï umíva rekovia escudo bronze guigua. Upéi oje'e ñandéve oikohague guerra civil. Ikatu ñamoñe'ë versículo 29 ha 30pe:

1 Reyes 14:29-30 "...oñorairö manteva'ekue oñondive Roboam ha Jeroboam."

Rehenduháicha angirü che rendúva, ivaive ohóvokuri. Ipahápe, ko capítulo 14pe jaguereko, omanohague Roboam. Versículo 31pe he'i:

1 Reyes 14:31 "...Naama, Amóngua. Upéi oguapy hendaguépe ita'ýra Abiam."

Ha péicha ñaguahë ko Primer Libro Reyes capítulo 14 pahápe. Ñaguahë ko'ágä capítulo 15pe. Ko capítulope jaguereko Abiam ñeisämbyhy, ha'e ndoikóikuri Ñandejára rape rupi. Jajuhu avei Asa ñeisämbyhy. Josafat oúkuri hapykuéri. Nadab ñeisämbyhy vai. Ha ipahápe, Baasa ñeisämbyhy vai.

Abiam Roboam ra'y ojupíkuri itúva rekovia Judá ñeisämbyhýpe. Ha'e hembiaapo vaíkuri itúvaicha. David ha'ékuri gueteri mbojoja excelencia rehegua, hese oñembojoja ambuekuéra rey Israel ha Judá pegua. Jeroboam, katu, ha'e jepékuri norma tembiapo ñaña rehegua rey

kuéra reino del norte peguarä. Avei oje'e ñandéve ko'ápe oñemo'ä'yre, peteiete mba'e vai David rehegua. Abiam ndojapóikuri mba'eve ojegueromandu'a haguä chupe, iporäva ni ivaíva. Upeichavéramo jepe, ojehai ko'ápe omanohague. Upéi Asa ojupi Abiam rendaguépe reino sureño, Judápe. Asa heko marangatúkuri Davidcha. Omoakä pe primer reavivamiento hetäme. Primer Libro Reyespe jajuhu peteï capítulo mbyterénte omombe'uhápe ñandéve iñesämyhy rehegua, ha Segundo Libro Crónicaspe katu jajuhu tres capítulo, umíva ha'e capítulo 14, 15 ha 16. Jahechakuaa porävéta Asa ñesämyhy ágä ñaguahë vove Segundo Libro Crónicaspe. Upeichavéramo jepe, jahechakuaáta Asa osoborna hague Ben-adad rey Siria peguápe, avei ha'e oñorairö py'yíva'ekue Israelgua ndive. Omanóvo, ita'yra Josafat ojupíkuri rey ramo hekovia Judápe. Versículo 25 guive tenonde gotyo, pe historia iñambue: Judágui ohasa Israelpe. Upépe jahechakuaáta Nadab Jeroboam ra'y ojupihague rey ramo Israelpe. Ha'ékuri mburuvicha hembiapo vaíva. Upéi, Baasa omoakäkuri peteï conspiración ikóntrape, ojuka chupe ha ojupi hekovia. Baasa oñorairökuri avei Asa rey Judá pegua ndive.

Angirü che rendúva, ikatúne ñaikotevë Ñandejára Espíritu pytyö jaestudiávo ko'ä tembiasa. Capítulo 14 opakuévo, jahechá kuri Roboam Salomón ra'y oisämyhyhague reino sureño Judá ha Benjamín pegua, ha Jeroboam oisämyhy hague Israel norte gotyo. Jeroboam omoakäkuri pe rebelión umi diez tribu norteña reheve. Oïkuri guerra civil moköive reino apytépe. Upéva oguerúkuri ñorairö ipukúva israelitakuéra apytépe, upérö oñorairökuri hermano contra hermano; ha upéva niko mba'e vaiete añetehápe.

Ja'ékuri avei David rire ha ko'a peve, ni peteíva umi mburuvichakuéra ndaheko marangatúiri. Ndaipóri ni peteï mburuvicha marangatu reino del norte, reino Israel guápe. Oïkuri ocho rey marangatu pe reinado sureño Judápe, David ñemoñare apytépe. Jaguereko, avei omano rire Roboam, ita'yra Abiam, ojupi hague hekovia mburuvicha ramo. Ñamoñe'ë ko'ágä Primer Libro Reyes capítulo 15, versículo 1 ha 2:

1 Reyes 15:1-2 “...Isy héra Maaca, Abisalom rajy.”

Angirü che rendúva, rehechakuaa peteĩ mba'e iñinteresánte va ko'ápe. Oje'e vove peteĩ mburuvicha pyahu réra, ndoje'ei jepi isy réra. Upéva iñextraño. Oje'e jepi ñandéve upe mburuvicha túva réra ha máva rekoviápa ojupi. Ko'ápe katu, jajuhu ko mburuvicha sy réra heta jey. Mba'érepa upéva? Ha, roguero via isy heta oipytyvöhague imembýpe hekovépe. Jajuhu ko'ápe mba'érehepa Ñandejára oikuaauka ñandéve isy réra, pe mburuvicha réra ndive, ko'ã mbohapy rey heko ñaña memete, isy ha'e avei responsable pe imemby reko laja rehe. Ha'e rire rey marangatu, isy avei ha'eva'erämo'ã responsable. Sy avei oreko responsabilidad jahechakuaávo mba'éichapa imemby raka'e.

Angirü che rendúva, ko tiempo jaikoha ko'ágäpe oñekondena ha oje'e heta mba'e umi mitärusu ho'áva angaipa ruguápe. Rohechakuaa problema kuéra oiha avei ogapykuéra cristiánovape. Ha katu, heta jey pe mitärusu ñemongakuaa ojogueraha mba'éichapa hekove upéi. Mba'éichapa umi mitärusu ojogueraha isy ndive, ha'éva avei responsable mba'éichapa oiko ha mba'épa ojapo upe mitärusu. Ndaikatúi oñemboyke upe responsabilidad, angirü che rendúva.

Roikuaa niko ko mba'e hetápe omoñandu vaitaha. Ha, jahechakuaava'erä sykuéra orekohague oportunidad oinflui haguá imemby rekovépe. Ha peteĩ mitärusu okakuaa rire oñandúvo noñeñangarekói hague hese, ndojehayhuiha chupe; iporäta isy ojepy'amongeta ramo ko'ã mba'e rehe. Oñcha'ã rangue osẽ presidenta Sociedad femenina pegua, téra opurahéi rangue kórope, téra ojapo rangue opaichagua tembiapo Iglesiape; ndaivaimo'ãi opyta ramo peteĩ pyhare hógape ohupi haguá ijyva ári imemby'ípe ha omokunu'ü chupe, oikuaaukávo mba'eichaitépa ohayhu chupe. Ko mba'e tuicha oñemboyke ko'ágä rupi. Pe problema tuichavéva heta pareja pyahu orekóva ko'ágä rupi niko, ndojuhúi niñera ikatúva oñangareko imemby rehe ha'ekuéra osẽ aja. Ehejamína ta'e ndéve, angirü che rendúva, ñaikotevéha sykuéra ohupíva Pepito ha Rositape ijyva ári ha ohayhúva chupekuéra añetehápe. Angirü che rendúva, oñeikotevé tuicha mborayhu, ñamongakuaa haguá peteĩ mitä. Mitä ñemongakuaa iñimportanteterei.

Jahasa heta tiempo ñañemongetávo ko tema rehe, añetehápe heta jey jahechakuaáta. Jaguereko jave peteĩ rey ñaña, jajuhu avei isy réra. Ha roguero via Ñandejára orekoha he'iséva ñandéve. Ha'éramo rey marangatu, jajuhu avei isy réra. Térä, upéva oñemboja isy rehe. Oĩ kuña ndoikosemo'áiva umi heko vaíva síramo ha jajuhúva Ñandejára Ñe'ëme. Oĩ ndoikosemo'áiva umi rey hembiapo ñañáva síramo. Ha katu, ñakontinua ko'ágä Primer Libro Reyes capítulo 15, versículo 3pe:

1 Reyes 15:3 “...ndoikói Ñandejára rapére, oikohaguéicha itúva ypykue David.”

Abiam ojaopapate tembiapo vai itúva ojaopova'ekue. Upéva he'ise, itúva techapyräkuri imba'erä. Túva avei oreko kúlpa osëháicha ita'ýra. Papá ome'ë ejemplo. Abiam ndokakuaáikuri ogapy iporäitévape, oiko chugui rey iñañaitéva ha heko ky'áva; itúva ha isy ha'e responsable ko'ä mba'e rehe avei. Oje'e ñandéve: “*ndoikói Ñandejára Ijára rapére, oiko haguéicha itúva ypykue David,*” upéicha jajuhu versículo 3pe. Ha ko'ápe jahecha peteĩ jeyve, David rehe oñembojojaha ko rey. Upéva ha'e norma humana, ha katu, ha'ékuri norma Ñandejára ohecha poräva. Ha, mba'ére piko oacceptákuri Ñandejára Davidpe? Oacceptákuri chupe iñangaipa rupi? Nahániri, angirü che rendúva. Upéva ha'ékuri tembiapo vai David rekovépe. Oacceptákuri chupe ohechakuaágui iñangaipa ha omombe'upate Ñandejárape, avei ohayhúgui añetehápe Ñandejárape. Angaipa ha'ékuri excepción, ndaha'éikuri mba'e py'yi guáva David rekovépe. Ha capítulo 15, versículo 4pe he'i kóicha:

1 Reyes 15:4 “...ha'e rire ita'ýrape iguapyhápe, ha ohejávo oiko gueteri Jerusalén.”

Angirü che rendúva, David ñemoñare ndopái onase peve Ñandejára Jesucristo, upérö opákuri. Ñandejára he'íkuri ndohejamo'áiha ogue tesape oñekumpli peve pe pacto Ñandejára ojaopova'ekue David ndive. Peteĩnte oikuri upe oguapýtava trónope ha oisämbyhýtava ko yvy jere ári, ha upéva niko Ñandejára Jesucristo. Ñamoñe'ë ko'ágä versículo 5:

1 Reyes 15:5 “...ndaha’éiramo pe ojavova’ekue Urías heteo rehe.”

Ko’ápe Ñandejára omombe’u ñandéve mba’érehépa David heko marangatúkuri. Ha, máva he’ikuaa: “Peha’arömi sapy’aite. Mba’épa peje pe tembiapo vai rehe? Ñandejára oheja ojehei; ha he’i ko’ápe: “...ndaha’éiramo pe ojavova’ekue Urías heteo rehe.” Ha, upéva David rembiapo vaíkuri. Ambue mba’épe, David iñe’ërendúkuri Ñandejárape opaite mba’épe. David ndoseguíri angaipakuérape. Rey Babilonia pegua oseguíkuri angaipápe. Upe David ojavova’ekue peteĩ jey, rey Babilonia pegua ojavókuri ára ha ára.

Ko’ã mba’e he’íkuri avei Ñandejára Jesucristo omombe’úrö guare pe parábola hijo pródigo rehegua. Angirü che rendúva, ikatu ningo peteĩ ta’ýra oike chikérope. Tekotevë jahechakuaa upéva. Ñandejára ra’ýva ikatukuaa oike peteĩ chikérope; ha katu Ñandejára ra’ýva ndopytamo’ãi upe chikérope. Ha, mba’ére ndopytamo’ãi upépe? Upéva hesakã porã; ha’e niko Itúva ra’y, ndaha’éi kure ra’y. Kurekuéra niko oiko chikérope, ta’yra kuéra oikose itúva rógape. Angirü che rendúva, nde reikose ramo peteĩ chikérope, upépe reimeva’erã. Upéva ohechaukátã mávapa nde añetehápe. Ha katu, nde reike rire chikérope ha rehenoise Ñandejárape reimeségui hógape, Ha’e ndeguerahátã, Ha’e nderresivíta.

David niko hembiapo vaíkuri; ha katu, David ohechakuaa ha omombe’úkuri iñangaipa. David iñe’ërendúkuri Ñandejárape opaite ambuekuéra mba’épe. Ha rogueroivia tekotevëha jajesareko anítei jakritika Davidpe. Angirü che rendúva, David, ha’ékuri kuimba’e katupyry. Upeichaite, ha’ékuri kuimba’e marangatu. Ha ko’ágã jahechakuaa Ñandejára orekohague Davidpe mbojoja ramo, hese ombojojákuri ambuekuéra reype. Ñamoñe’ë ko’ágã Primer Libro Reyes capítulo 15, versículo 6:

1 Reyes 15:6 “...Roboam ha Jeroboam oñorairö mante oñondive oikove aja pukukue.”

Oje’e ñandéve ko’ágã, oikohague guerra civil. Upérö oñopehëngue oñorairökuri

oñondive. Upéva omokangýkuri pe reino. Ñakontinua ko'ágä Primer Libro Reyes capítulo 15, versículo 7 ha 8:

1 Reyes 15:7-8 “...oñeñotý David távape. Hendaguépe oisämbyhy ita'yra Asa.”

Rehenduháicha, angirü che rendúva, Abiam ndojapókuri mba'eve iporáva iñesämbyhy aja, tembiapo vai mante ojaapókuri. Ha'ékuri mburuvicha heko añáva. Upémarö, omano ha oñeñotýkuri chupe ituvakuéra ndive. Upéi jahechakuaa ojupihague hendaguépe ita'yra Asa mburuvicha guasu ramo.

Ha jajuhu ko'ágä primer rey imarangatúva ha jasapukaise ¡Aleluya, jajuhu peteï rey marangatu! ¡Ha'ékuri Asa! Ñamoñe'ë, ko'ágä versículo 9 guive, 11 peve:

1 Reyes 15:9-11 “...hembiaapo porä Ñandejára renondépe itúva ypykue Davidcha.”

Angirü che rendúva, rehenduháicha, Asa oñepyrükuri oisämbyhy umi moköi ary paha oisämbyhýrö guare Jeroboam. Asa oisämbyhýkuri 41 año. Ha'e oisämbyhýkuri heta ary aja. Moköi rey añónte oisämbyhy arevékuri Asagui, umíva ha'ékuri rey Azarías, térä Uzías, ha Manasés.

Asa ha'ékuri rey marangatu, isy hérakuri Maaca. Upéva he'ise isy rehe ojehechakuaa ha oñemboja, Asa rekove marangatu. Versículo 11pe oje'e jey ñandéve, David rehe oñembojoja hague upe rey rekove. Asa hembiaapo poräkuri Ñandejára renondépe, Davidcha. Ha, mba'épa ojaapókuri Asa oñembojoja haguä chupe upéicha? Ñamoñe'ë upe he'íva versículo 12 guive, 15 peve:

1 Reyes 15:12-15 “...omoï tupäópe opa upe óro ha pláta itúva ha ha'e oikuave'ëva'ekue Ñandejárape.”

Asa omosëkuri hetägui umi homosexual kuérape. Ndoguerohoryiete voi umi heko vaívape. Angirü che rendúva, ndaha'úi niko civilización techaukaha petei tetä ho'áramo teko ky'a apópe, jahechaháicha ko'ágä rupi umi tetä ndetuicháva rupi. Ñandejára oheja rei tetä oñeme'ëva teko ky'ápe ha ohejáva pe homosexualidad ojepractika säso reheve. Upéva ohechauka ñehundi rape. Ha vaicha ndaipóri tetä ndoguerekóiva ko plaga immoral ipype. Máva oñe'ë poräva'erä ko mba'e rehe ko'ágä rupi. Tekotevë jahechakuaa ha'eha angaipa. Tekotevë jahechakuaa umi opractikáva homosexualidad ha'eha “persona depravada ha degenerada”. Máva ho'áva ko tembiapo ky'ápe ho'a vaiete, angirü che rendúva. Máva oja póramo kóichagua tembiapo tajasu, ha Ñandejára oheja chupe iñangaipápe; ñambyasy niko pe sociedad jaikoha ohohahína ñehundi rape gotyo. Rey Asa, osolusiona upe problema ha upéva oñehenói chupe rey marangatu. Angirü che rendúva, Ñandejára naiñambuúi, ni michimi, Ha'e ndoguerohorýi pe homosexualidad. Ñamoñe'ë ko'ágä Primer Libro Reyes capítulo 15, versículo 16 ha 17:

1 Reyes 15:16-17 “...omoha'ëño haguä Judá ruvicha guasúpe.”

Asa rey Judá pegua oñorairökuri Baasa rey Israel pegua ndive. Upéva ha'ékuri guerra civil py'ýiete oikova'ekue. Ko'ágä, oje'e ñandéve Asa oja pohague avei ambueve mba'e. Ojoko ha ohenonde'ava'eräkuri pe ñesämbyhy reino del norte pegua, imbaretévéva ohóvo. Upe reino ha'ékuri Siria pegua. Ñamoñe'ë ko'ágä versículo 18 guive, 20 peve:

1 Reyes 15:18-20 “...Abel-Bet-maaca rehe, opa Galilea ha opa Neftalí yvýre.”

Asa omondókuri jopói Ben-adadpe, óro ha plata oíva gueteri tupão ha mburuvicha guasu rógape. Upéva ojapo ani haguäicha Ben-adad ojasuru ha'e oisämbyhyhápe. Asa oñemoi petei ñe'ëme Ben-adad ndive. Ha upéva añoite ja'ekuaa naiporäihague Asa rembiapokuéra apytépe. Ñamoñe'ë ko'ágä versículo 21 ha 22:

1 Reyes 15:21-22 “...umívape omombarete Geba, Benjamín pegua, ha Mizpa.”

Umi mba’e Asa ojaopókuri oñangareko haguä ijehe ha iñesämbyhy rehe. Jajuhu upéi, rey Asa hasy ha omanohague. Ñamoñe’ë Primer Libro Reyes capítulo 15, versículo 23 ha 24:

1 Reyes 15:23-24“...oñeñotÿ itúva ypykuéra ndive David távape. Hendaguépe oisämbyhy ita’yra Josafat.”

Ha’e haguéicha, jaestudia porävéta Asa ñeisämbyhy, ágä ñaguahë vove Segundo Libro de Crónicaspe. Ko’ágä, jahechataháicha, Josafat ha’ékuri avei ambue rey marangatu. Ha katu, jahecháta upéva pe programa oútavape, opáguima ñande aravo ko ára pegua. Upévale, japytáta ko’ápe. Romokyre’y orevoirü jey haguä. Jajojuhu jey peve. Ñandejára tanderovasa ndéve ha nde rogayguápe avei akóinte.